



Dyddiad cyhoeddi: 19 Chwefror 2019

Pennaeth Materion Allanol Gwasanaethau Rheilffordd TrC

Rwy'n ysgrifennu atoch mewn ymateb i'ch cais Rhyddid Gwybodaeth ynghylch Pennaeth Materion Allanol Gwasanaethau Rheilffordd Trafnidiaeth Cymru.

Mae eich cais wedi'i ystyried yn unol â gofynion y Ddeddf Rhyddid Gwybodaeth a'n polisi mynediad at wybodaeth. Gallaf gadarnhau bod gennym y wybodaeth sydd ei hangen arnoch. Fe wnaethoch chi ofyn am:

Fanylion y swydd ddisgrifiad, manylion yr hysbyseb gyhoeddus, a'r broses a ddefnyddiwyd i lenwi rôl Pennaeth Materion Allanol Gwasanaethau Rheilffordd Trafnidiaeth Cymru.

Ers Tachwedd 2018, mae ymgynghorydd wedi darparu gwasanaethau i Wasanaethau Rheilffordd Trafnidiaeth Cymru mewn perthynas â rôl y Pennaeth Materion Allanol. Darperir y gwasanaethau hyn ar sail ran-amser, interim gan fod y Pennaeth Materion Allanol blaenorol ar secondiad.

Mae'r trefniadau interim hyn yn darparu'r sylw angenrheidiol i Wasanaethau Rheilffordd Trafnidiaeth Cymru ar gyfer rôl sy'n hanfodol i fusnes a byddant yn parhau hyd nes y bydd proses recriwtio, a fydd yn anelu at lenwi rôl y Pennaeth Materion Allanol ar sail tymor hwy, wedi'i chwblhau.

Mae Gwasanaethau Rheilffordd Trafnidiaeth Cymru wrthi'n datblygu'r broses recriwtio ar gyfer y rôl hon. Unwaith y bydd y broses wedi'i chwblhau, caiff y rôl ei hysbysebu.

Os oes gennych unrhyw ymholiadau, mae croeso i chi gysylltu â mi.

Yn gywir

Trafnidiaeth Cymru